

COMMENTARIUS IN JEREMIAS  
CAPUT IV.

1. *Nexus.*

**S**icut in *precedenti*: ita in hoc etiam *cap.* ulterius pergit *Pro-*  
*pheta* exhortari populum ad *maturandam pœnitentiam.*

2. *Argumentum.*

Est *caput* istud *concio*, qua instituitur *exhortatio* ad *pœ-*  
*nitentiam*, *subjecta* *comminatione* *gravissima* *pœnarum*, quibus  
affiendi *impœnitentes*. Est itaq; *concio* isthac *partim* *παρη-*  
*γοική*: *partim* *ἀπειλητική*.

3. *Partitio capitis.*

*Due* sunt *partes* *capitis* *præcipuæ*: 1. *completur Exhorta-*  
*tionem* *ad pœnitentiam*; 2. *Comminationem* *pœnarum*, quibus *impœ-*  
*nitentes* *affiendi*.

4. *Ufus capitis.*

*Ad imitationem* transferri potest hæc *concio* *nostro* *tempo-*  
*rem*, ita ut *populus* de *agenda pœnitentia* *seriò* *moneatur*, *propo-*  
*fitis calamitatibus*, quæ *undiquaque* *nos circumstant*.

*Explicatio 1. partis.*

*Exhortatio* *ad pœnitentiam* *continet* *&* *Propositionem* *&* *Confir-*  
*mationem*. *Propositio* *duplex* *constituitur*; *altera* *constat* *verbis* *pro-*  
*priis*; *altera* *verbis* *figuratis*.

¶ 1. 2.

In *propositione*, quæ *propriis* *constat* *verbis*, *Israélite* *jubentur* *se*  
*convertere* *ab Idolis*, non *hypocriticâ*, sed *vera* *&* *sincera pœniten-*  
*tia* *ad Dominum*; huic enim *soli* *peccarunt* *Psal. 51, 6.* *&* *ipse* *solus*  
*potest* *ac* *vult* *remittere* *peccata pœnitentibus.* *Exod. 34, 7.* *Pf. 130, 4.*  
*Sir. 2, 13.* Meritò igitur *damnandi hypocritæ*, nec non *Papistæ*, quo-  
rum nonnulli ex *Epicuræis* fiunt *Capucini*: omnes verò *acturi pœ-*  
*nitentiam*, *&* *peccata confessuri* non *directè* *ad Dominum*, sed *ad*  
*Sanctos* *convertuntur*; maximè verò *ad Mariam Virginem*, sicut  
apparet ex *Psalterio Mariæ à Bonaventura* *composito*, *&* *imprimis*  
quidem ex *Psal. 51.* quem hunc in modum *ad Mariam blasphemè*  
*transferunt*: *Miserere mei Domina, quæ mater misericordiæ nuncuparis,*  
*&* *secundum viscera misericordiarum tuarum munda me ab omnibus pecca-*  
*tis meis.*